

修訂日期: 2004/10/12 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 17, No. 795

原始資料: 蕭鎮國大德提供, 維習安大德提供之高麗藏 CD 經文, 北美某大德提供

No. 795

佛治身經

失譯人名今附西晉錄

佛言當學工語。不沙門法行。獨一處坐。但當正意。一處一臥一行不中正。一為曉身受經。亦獨居還使千人一人勝千軍中能得勝。一人能勝身。是為勝軍中。勝勝。勝者。不如勝。餘勝。己勝身常為勝。無力亦不勝摩汎藍亦不能己勝不能作不勝比丘勝乃不勝先為自身定正教後教餘為諸輩如我。自身上頭隨法行。便教餘人。如是易教。己身如是。如教他人。己得身教意。不復難教餘。欲教餘先自教。還使自教。從身教得點。為自身他故多人亦莫犯。無有極自身。為自念無有極。自歸無有過身。自歸不如自歸諦。教身已點。得歸已點。便得法已點。便得戒已點。昆弟中不復憂已點。便得樂已點。不復憂自身。自歸身亦得歸他人。己身無有極。教一切從苦得脫。問曰。何等為工語。師曰。說三十七品經為工語。謂所說不亂人意。亦為工語。何等為法行。謂不離二百五十戒。是為法行。何等為一為曉身。謂知分別身中事。何等為軍中人能得勝。謂人不能勝惡。何等為一人能勝身。謂意念惡。能自制斷。是為勝身。何等為身意教。謂身受七戒。意受三戒。何等為多人亦不犯。謂等心使人不墮結。

佛治身經